

# Saksprotokoll i Suohkanstivra - 27.06.2019

## Suohkanstivrra meannudeapmi:

Jodiheddji ovddidii ovdagotti mearrádusevttohusa.

Ovdagotti mearrádusevttohus dohkkehuvvui ovttajienalaččat.

## Suohkanstivrra mearrádus, ovttajien.

Suohkanstivra mearrida čuovvovaš ođđa politihkalaš organiserema:

**A.** Ásahuvvojit 2 váldolávdegotti mas leat 5 miellahtu goappá ge lávdegottis:

1. Bajásšaddama, ja dearvvašvuoda ja sosiála váldolávdegoddi
2. Kultuvrra, ealahusa ja tehnikkalačča váldolávdegoddi

Áirasat ja varraáirasat válljejuvvojit dán jagá válgalisttuin. Váldolávdegotti jodiheddji galgá leat suohkanstivraáirras.

Eará lávdegottit, ráđit ja nemndat:

1. Hálddahuslávdegoddi, 3 politihkkara ja 2 bargiidáirasa
2. Vuorasiidráđi, 3 áirasa. Eanetlohku áirasiin eai galgga leat nuorat go 60 jagi de go válljejuvvojit.
3. Doaimmashehttejuvvon olbmuid ráđi, 2 politihkkara ja 3 jodiheddji organisašuvnnain
4. Nuoraidráđi, 3 áirasa – ohppiidráđiid jodiheddjit Guovdageainnu nuoraidskuvllas, Máze skuvllas ja Sámi joatkkaskuvllas Guovdageainnus
5. Dárkkistanlávdegoddi, nu movt dál
6. Áššedovdi tákstanemnda mearridit opmodatvearu, nu movt dál
7. Áššedovdi váidinnemnda opmodatvearu mearrideami dáfus, nu movt dál
8. Váiddalávdegoddi, nu movt dál
9. Válgastivra, válljejuvvo 4 jahkái, áirasiid lohku nu movt dál

Čuovvovaš lávdegottit heaittihuvvojit:

1. Eanadoallolávdegoddi
2. Meahcástanlávdegoddi
3. Plánalávdegoddi
4. Ekonomiijalávdegoddi
5. Boazodoallolávdegoddi

**B.** Dassáži go ođđa politihkalaš váldesirdinnjuolggadus lea mearriduvvon, ožžot váldolávdegottit čuovvovaš bargguid ja válldi:

Váldolávdegottit ožžot válldi nammadit bargolávdegotti mas 3 miellahtu jus dárbu. Váldolávdegottit sáhttet sirdit válldi ođđa suohkanlága mielde nammaduvvon bargolávdegoddái.

**Kultuvrra, ealáhusa ja tehnikkalačča váldolávdegoddi oažžu sirdojuvvon válldi dáid surggiid siskkobealde:**

1. Meahcástanlávdegotti sirdojuvvon válldi nu movt 01.06.2019 lea.
2. Eanadoallolávdegotti sirdojuvvon válldi nu movt 01.06.2019 lea.
3. Válljet ja dahkat mearrádusa kulturbálkašumi hárrái.
4. Válljet ja dahkat mearrádusa áđggirdeaddji rámi hárrái.
5. Válljet ja dahkat mearrádusa faláštallanstipeandda hárrái.
6. Juolludit ealáhusviessosajiid pláneamearrádusaid siskkobealde
7. Oahpasnuvvat ja addit cealkámuša iežas bálvalussuorggi siskkobealde ovdal go suohkanstivra meannuda ášši
8. Evttohit ekonomiiaplánii oktan jahkebušehtain.
9. Addit gulaskuddancealkámuša gulaskuddamiidda iežas bálvalussuorggi siskkobealde.
10. Meannudit ja juolludit ealáhusfoandda doarjagiid – ealáhusohcamiid
11. Meannudit ja buktit cealkámušaid suohkanlaš plánaide iežas bálvalussuorggi siskkobealde.

Sirdojuvvon válldi meahcástanlávdegoddái ja eanadoallolávdegoddái 01.06.2019 sirdojuvvo kultuvrra, ealáhusa ja tehnikkalačča váldolávdegoddái 01.11.2019 rájes.

**Bajásšaddama, dearvvašvuoda ja sosiála váldolávdegoddi oažžu sirdojuvvon válldi dáid surggiid siskkobealde:**

1. Juolludit doarjagiid ássanmoktafoanddas
2. Meannudit mánáidgárddiid bajit jahkeplána
3. Meannudit skuvlafágalaš dilleraportta ovdal suohkanstivrra meannudeami
4. Meannudit ja buktit cealkámušaid suohkanlaš plánaide iežas bálvalussuorggi siskkobealde.
5. Oahpasnuvvat ja addit cealkámuša iežas bálvalussuorggi siskkobealde ovdal go suohkanstivra meannuda ášši
6. Evttohit ekonomiiaplánii oktan jahkebušehtain.
7. Addit gulaskuddancealkámuša gulaskuddamiidda iežas bálvalussuorggi siskkobealde.

**C.** Álbmotválljejuvvomiid buhtadusa njuolggadus galgá ođasmahttojuvvot ja gárvvistuvvot suohkanstivrra meannudeapmái njukčamánu 2020.

**D.** Politihkalaš váldesirdinnjuolggadus galgá ođasmahttojuvvot ja gárvvistuvvot suohkanstivrra meannudeapmái njukčamánu 2020.

**E.** Suohkanstivrra njuolggadus galgá ođasmahttojuvvot ja gárvvistuvvot suohkanstivrra meannudeapmái ovdal geassemánu 2020.

- F.** Eará politihkalaš lávdegottiid njuolggadus galgá ođasmahttojuvvot ja gárvvistuvvot suohkanstivrra meannudeapmái ovdal geassemánu 2020.
- G.** Ásahuvvo vuodjinlobilávdegoddi meannudit vuodjinlobiid motojohtolatlága mielde. Lávdegottis leat 3 miellahtun man suohkanstivra vállje.
- H.** Ovdagoddái sirdojuvvo plánalávdegotti váldi.

Ráđđeolmmái dieđiha dárbbu lassi hálddahaslaš resurssaid dáfus ja lassi goluid dáfus man ođđa politihkalaš organiseren mielddisbuktá, bušeahttaproseassa 2020 oktavuodas.